

**Broj: 01-07-351-03/10**  
**Mostar, 16.03.2010. godine**

Na osnovu člana 14, člaka 15. i člana 89. stava (1) Zakona o električnoj energiji („Službene novine Federacije BiH“ broj 41/02, 24/05, 38/05 i 61/09), člana 5, člana 6, člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 39. i člana 52. stava (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04) i člana 78. Pravilnika za tarifnu metodologiju i tarifne postupke („Službene novine Federacija BiH“ broj 45/05), Regulatorna komisija za električnu energiju u Federaciji Bosne i Hercegovine-FERK je na IV redovnoj sjednici, održanoj u Mostaru dana 16.03.2010. godine, donijela slijedeću

## **ODLUKU**

### **Član 1.**

Usvaja se nacrt Pravilnika o izmjenama i dopunama Pravilnika za tarifnu metodologiju i tarifne postupke s obrazloženjem uz Pravilnik, u tekstu kako je predložen na dnevni red za sjednicu.

### **Član 2.**

Odluka stupa na snagu danom donošenja i objavljuje se na oglasnoj tabli i web stranici FERK-a.

## **O b r a z l o ž e n j e**

Članom 14. stavom (1) tačke 2) i 3) Zakona o električnoj energiji, kao i članom 5. stavom (1) tačke 2) i 3) Statuta FERK-a, određeno je da je nadležnost Regulatorne komisije za električnu energiju u Federaciji Bosne i Hercegovine-FERK propisivanje metodologije i kriterija za utvrđivanje cijena snabdijevanje nekvalifikovanih kupaca električnom energijom, te utvrđivanje tarifnih stavova za korisnike distributivnih sistema i tarifnih stavova za nekvalifikovane kupce. Članom 15. stavom (1) tačka 7) Zakona o električnoj energiji i članom 6. stavom (1) tačka 7) Statuta FERK-a, određeno je da FERK u okviru svojih aktivnosti reguliše kvalitet usluga na svim nivoima, kao i tarife i naknade koje se plaćaju za monopolske usluge u distribuciji, imajući u vidu interese i potrebe svih korisnika za snabdijevanje električnom energijom. Članom 89. stavom (1) naprijed navedenog Zakona određeno je da će do uspostave tržišta električne energije Regulatorna komisija utvrđivati cijene električne energije na pragu elektrana.

Članom 78. Pravilnika za tarifnu metodologiju i tarifne postupke propisano je da se FERK neće suzdržavati od revizije pravilnika ako se ukaže potreba za istim, a u skladu sa postignutim stepenom razvoja i liberalizacije tržišta i reformama elektroenergetskog sektora.

Osnovni razlog za donošenje Pravilnika o izmjenama i dopunama Pravilnika za tarifnu metodologiju i tarifne postupke je usklađivanje odredbi Pravilnika za tarifnu metodologiju i tarifne postupke sa odredbama Pravilnika o izvještavanju i odredbama Odluke o izmjenama i dopunama Odluke o regulatornom kontnom planu, čiji postupci donošenja su u toku. Imajući u vidu prethodne odredbe, kao i odredbe člana 39. Poslovnika o radu FERK-a kojim je propisano da nadležni organizacioni dio FERK-a započinje postupak kreiranja pravila i propisa u formi radnog materijala na osnovu zakona, vlastitog prijedloga ili kao odgovor na zahtjev pravnog ili fizičkog lica, a potom priprema nacrt općeg akta koji se razmatra i utvrđuje na redovnoj sjednici FERK-a, dok je članom 52. stavom (2) istog propisano da FERK donosi dodatna pravila za tarifni postupak, odlučeno je kao u dispozitivu ove odluke.

**PREDSJEDNIK FERK-a**  
**Zdenko Šimunović s.r.**